

按唐書靖恭太子琬傳琬始王鄭徙王榮爲京兆牧領隴右節度大使安祿山反詔琬爲征討元帥募河隴兵屯陝以高仙芝副之會冕琬風格秀整有素望中外倚之琬男女五十八人得王者三人俯王濟陰郡偕北平僧陳留僧衛尉卿僧祿書監佩鴻臚卿

李琬

按唐書光王琚傳琚開元十三年封俄領廣州都督勇力善騎射帝愛之與鄂王同居友睦甚皆篤學既廢無嗣初名琚二十三年詔改今名

李一

按唐書夏悼王一傳一生韶秀以母寵故鍾愛命之曰一未免懷薨追爵及諡

李璣

按唐書僖王璣傳璣既封授河南牧薨子忱王鍾陵郡德廣陵

李璣

按唐書順王璣傳璣喜讀書好文辭開元十五年遙領安東都護安祿山反詔領劍南節度大使以蜀郡長史崔圓爲副將至成都崔圓迎拜馬前璣不爲禮圓衛之璣視事再踰月人便其寬圓奏罷居內宅乃詔宣慰肅宗於平原從還京師建中四年薨子仲爲榮陽王僖高邑王倪楚國公傳愛國公

李敏

按唐書懷恩王敏傳敏貌豐秀若圖畫帝愛之甫晬薨追爵及諡

李璘

按唐書末王璘傳璘少失母肅宗自養視之既封領

荊州大都督安祿山反帝至扶風詔璘即日赴鎮俄又領山南江西嶺南黔中四道節度使至江陵募士得數萬璘生官中於事不通曉見富且強遂有窺江左意其子襲成王楊嗣鸞之謀亦樂亂璘取金陵即引舟師趨廣陵攻採訪使李成式江淮震動明年肅宗遣宦者咬廷瑤等與成式謀招諭之時河南招討判官李錡在廣陵有兵千餘廷瑤邀錡屯揚子成式又遣裴戎以廣陵卒三千戍伊婁張旗幟大閱士璘與傷登陣望之有懼色是夜執陣江北夜然東華人執二炬景亂水中覘者以倍告璘疑王師已濟攜兒女及麾下遁去遲明覺其給復入城具舟楫使傷驅衆趨晉陵成式以兵進先鋒至新豐璘使傷逆擊之銑合勢張左右翼射傷中肩軍遂敗璘奔鄆陽將南走嶺外皇甫仇兵追及之璘中矢被執仇殺之傷爲亂兵所害子璣爲餘姚王偵宮國公僕郎國公伶儀並國子祭酒

李璘

按唐書壽王瑁傳瑁母惠妃開元十五年遙領益州大都督大曆十年薨子王者三人優王德陽郡任濟陽郡俱廣陽郡仇薛國公僕郎國子祭酒

李玢

按唐書延王玢傳玢仁愛有學既封遙領安西大都護興元元年薨子倬王彭城郡任平陽侯魯國公僕荆國公仇太僕卿

李琦

按唐書盛宣王琦傳琦既封領揚州大都督帝之西詔爲廣陵大都督准宣江東河南節度大使廣德二

年薨子價封真定王佩武都王俗徐國公係許國公

李璣

按唐書濟王環傳環逸其薨年子僚王末嘉郡倪平樂郡

李璣

按唐書信王理傳理開元二十一年封子修封新安王個晉陵王

李璣

按唐書義王玢傳玢與信王並失薨年子儀爲舞陽王僖高密王

李玢

按唐書陳王珪傳珪二十二子得王者三人倫王安南郡化臨淮侯安陽

李珪

按唐書豐王珙傳珙已封爲左衛大將軍帝至普安授珙武威都督河西隴右安西北庭節度大使珙不行廣德初吐蕃入京師代宗幸陝將軍王懷忠劫諸王西迎寇遇郭子儀懷忠曰上東遷宗社無主今僕奉諸王西奔以係天下望公爲元帥惟所廢置子儀未對珙輒曰公何如司馬王延昌質責珙子儀亦讓之即護送行在所帝赦不責珙語不遜羣臣恐其亂請除之乃賜薨子儀爲齊安王

李珙

按唐書恆王瑒傳瑒好方士常服道士服從帝幸蜀還代宗時薨

李璿

按唐書涼王璿傳璿母高平王重規之女宮中號小

武妃者璿薨代宗時子仇爲瀘陽郡王

李璿

按唐書汴哀王璿傳璿於諸子爲最少初封纔數歲容貌秀澈有成人風帝愛之開元二十三年授右千牛衛大將軍明年薨

李璿

按唐書讓皇帝憲傳憲子璿眉宇秀整性謹潔善射封汝陽王歷太僕卿薨

李嗣莊

按唐書讓皇帝憲傳憲子嗣莊幼有令名爲太子左論德封濟陰王薨

李琳

按唐書讓皇帝憲傳憲子琳以祕書監爲嗣寧王從天子幸蜀薨

李瑀

按唐書讓皇帝憲傳憲子瑀早有材望儀觀始封隴西郡公從帝幸蜀至河池封漢中王山南西道防禦使肅宗詔收羣臣馬助戰瑀與魏少游等持不可帝怒貶蓬州長史薨諡曰宣

李珍

按唐書惠文太子範傳嗣岐王珍儀觀豐偉爲宗正員外卿與蔚州鎮將朱融善融嘗言珍似上皇金吾將軍邢濟以聞肅宗詔廢珍爲庶人賜死

李齊物

按唐書淮安王神通傳神通子孝銳孝銳子齊物字道用天寶初擢累陝州刺史遷河南尹坐與李適之善貶竟陵太守還遷京兆尹太子太傅卒

李適之

按唐書李適之傳適之恆山愍王孫也始名昌神龍初擢左衛郎將開元中遷累通州刺史擢秦州都督徙陝州刺史河南尹進御史大夫二十七年兼幽州長史知節度事遷刑部尚書天寶元年代牛仙客爲左相累封清和縣公與李林甫爭權不協林甫好謂適之曰華山生金采之可以富國適之信其言他日從容爲帝道之帝以問林甫對曰臣知之舊矣願華山陛下本命王氣之舍不可以穿治帝以林甫爲愛已而薄適之不親適之懼不自安乃上宰相以太子少保罷俄坐辜堅累貶宜春太守會御史羅希夷陰被詔殺堅等過宜春適之仰藥自殺

李令問

按唐書李靖傳靖孫令問元宗爲臨淄王時與雅舊及即位以協贊功遷殿中少監預誅懷貞封宋國公進散騎常侍然未嘗輒干政率游畋自娛厚奉養侈飲食後坐其子與同紇部酋承宗連婚貶撫州別駕卒

李邕

按唐書李邕傳邕字泰和揚州江都人父善邕少知名始善注文選釋事而忘意書成以問邕邕不敢對善詰之邕意欲有所更善曰試爲我補益之邕附事見義善以其不可奪故兩書並行既冠見特進李嶠自言願一見祕書嶠曰祕閣萬卷豈時日能習邪邕因請乃假直未幾辭去嶠驚試問奧篇隱帙了辯如響嶠歎曰子且名家嶠薦邕拜左拾遺五王誅坐善張柬之出爲南和令貶富州司戶參軍事韋氏平召

拜左臺殿中御史彈劾任職人頗憚之遷戶部員外郎岑義等忌之貶邕舍城丞元宗即位召爲戶部郎中左遷括州司馬起爲陳州刺史會仇人告邕賊貨枉法下獄當死許昌男子孔璋上書天子得減死貶遷化尉徙澧州司馬開元二十三年起爲括州刺史後歷淄滑二州刺史上計京師邕蚤有名久斥外既入朝人間傳其眉目壞異至阡陌聚觀後生望風內謁門巷填隘以譏媚不得留出爲北海太守天寶中宰相李林甫忌邕因傳以罪詔刑部員外郎祁順之監察御史羅希夷就郡杖殺之邕之文於碑頌是所長人奉金帛請其文前後所受鉅萬計邕雖誅不進而文名天下時稱李北海

李白

按唐書李白傳白字太白興聖皇帝九世孫其先隋末以罪徙西域神龍初通還客巴西白之生母夢長庚星因以命之十歲通詩書既長喜擊劍爲任俠輕財重施更客任城與孔巢父韓華裴政張叔明陶沔居徂徠山日沈飲號竹溪六逸天寶初至長安賀知章見其文嘆曰子謫仙人也言於元宗召見金鑾殿奉頌一篇帝賜食親爲調羹有詔供奉翰林白猶與飲徒醉於市帝坐沈香亭子意有所感欲得白爲樂章召入而白已醉左右以水頰面稍解援筆成文婉麗精切帝愛其才數宴見白嘗侍帝醉使高力士脫鞵力士恥之適其詩以激楊貴妃帝欲官白妃輒沮止白益驚放與知章李適之汝陽王璿崔宗之蘇晉張旭焦遂爲酒八仙人懇求還山帝賜金放還末王璘辟爲府僚佐璘敗當誅有詔長流夜郎會赦還尋

陽代宗立以左拾遺召而自巳卒

李華

按唐書李華傳華字遐叔趙州贊皇人曾祖太冲名冠宗族太宗時擢祠部郎中華累中進士宏辭科天寶十一載遷監察御史徙右補闕安祿山反元宗入蜀百官解竄華母在鄴欲間行華母以逃爲盜所得僞署鳳閣舍人賊平貶杭州司戶參軍華自傷踐危亂不能完節遂屏居江南上元中以左補闕司封貢外郎召稱疾不拜客隱山陽勒千弟力農安於窮槁大曆初卒

李守德

按唐書王毛仲傳李守德者爲人奴善騎射本名宜得立功乃改今名位武衛將軍嘗遇故主於道主走避守德命左右迎之至第親上食奉酒主流汗不敢當數日入奏曰臣蒙國恩過分而故主無寸祿請解官授之帝嘉其志擢爲郎將

李彭年

按唐書李懷遠傳懷遠子景伯景伯子彭年有才歷遷中書舍人吏部侍郎與李林甫善常慕山東著姓爲婚姻引就清列典選七年卒以賊敗長流臨賀郡天寶十二載擢爲濟陰太守徙馮翊天子幸蜀陷於賊藉以僞官憂憤死

李林甫

按唐書李林甫傳林甫長平肅王叔良曾孫初爲千牛直長開元初遷太子中允宇文融爲御史中丞引與同列稍歷刑吏部侍郎時武惠妃寵傾後宮子壽王盛王尤愛林甫因中人白妃願壽王爲萬歲計

如陰助之拜黃門侍郎尋爲禮部尚書同中書門下三品再進兵部尚書皇太子鄂王李瑛被譖帝欲廢之張九齡切諫帝疏薄九齡專任林甫於是林甫進兼中書令帝卒用其言殺三千天下冤之林甫善刺上意每奏請必先餉遺左右審伺微旨以固恩信性陰密忍誅殺公卿不由其門而進必被罪徙附離者雖小人且爲引重子岫爲將作監常從游後園見輦重者跪涕曰大人居位久枳棘滿前一旦禍至欲比若人可得乎林甫不樂曰勢已然可奈何楊國忠爲御史大夫貴震天下方兼劍南節度使林甫因建遣之鎮欲離間之國忠入辭帝曰處置訖亟還指日待卿林甫聞之憂慙是時已屬疾帝視之林甫不能興左右代拜俄而國忠至自蜀謁林甫林甫下垂涕託後事因不食卒國忠素銜林甫未葬陰諷祿山暴其短帝怒詔林甫圖危宗社悉奪官爵斷棺別取含珠金紫用庶人禮葬之諸子悉徙嶺南黔中

李麟

按唐書李麟傳麟裔出懿祖於屬最疏父潛歷潤虢潞三州刺史終劍南節度按察使麟以父蔭補京兆府戶曹參軍轉殿中侍御史累擢兵部侍郎與楊國忠同列國忠怙權疾之出爲河東太守元宗入蜀麟走見帝再遷憲部尚書同中書門下平章事時宰相韋見素房琯崔渙崔圓踵赴肅宗行在獨麟以宗室子留總司上皇還京進同中書門下三品封褒國公李輔國撓政苗晉卿等皆附離取安獨麟守正不阿順輔國忌悲乾元初罷爲太子少傅明年卒

李峴

李愬

按唐書李愬傳愬并州汶水人父希倩神龍初右臺監察御史愬少秀敏舉明經高第授成安尉張說在并州引愬置幕府及執政改爲長安尉拜御史遷給事中失李林甫意出爲河南少尹天寶初除清河太守舉美政遷廣陵長史民爲立祠觀視徙彭城太守封酒泉縣侯入爲京兆尹改光祿卿東京留守安祿山反執愬害之有詔贈司徒諡忠愬再贈太尉愬十餘子江涵瀛等同遇害惟源彭脫大初中詔求愬畫像續圖凌烟閣

李彭

按唐書李愬傳愬子彭擢明經第天寶中選名臣子可用者自咸寧丞遷右補闕從天子入蜀後愬數年

卒

李係

按唐書越王係傳係生開元時王南陽郡至德二載進王趙乾元二年九節度兵潰河北朝廷震駭李光弼請賞王為帥於是詔係充天下兵馬元帥從王越為李輔國所害三子建王武威郡道與道齊國公

李倓

按唐書承天皇帝倓傳倓始王建寧英毅有才略善騎射祿山亂太子至靈武即帝位議以倓為天下兵馬元帥左右固請廣平王帝從之更詔倓典親軍以李輔國為府司馬時張良娣有寵與輔國交構欲以動皇嗣者倓忠讜數為帝言之由是為良娣輔國所譖妄曰倓恨不總兵鬱鬱有異志帝惑偏語賜倓死及廣平即位追贈齊王大曆三年有詔以倓當艱難時首定大謀排衆議於中興有功乃進諡承天皇帝

李倓

按唐書衛王倓傳倓始王西平蚤薨實應元年五月奧鄆王同追封

李倓

按唐書彭王倓傳倓始王新城進封彭史思明陷河洛人心震駭羣臣請以諸王臨統方鎮兵遙相維繫於是詔倓充河西節度充王北庭巡王隴右杞王陝西興王鳳翔並為大使是歲倓薨于鎮為常山郡王

李倓

按唐書兗王倓傳倓始王潁川進王充實應元年薨

李倓

按唐書涇王倓傳倓始王東陽進王涇興元元年薨

李榮

按唐書鄆王榮傳榮始王靈昌早薨追封

李儼

按唐書襄王儼傳儼至德二載始王與杞召興定四王同封貞元七年薨子宜為伊吾郡王案樂安王宣裔孫燭

李倓

按唐書杞王倓傳倓貞元十四年薨

李儼

按唐書召王儼傳儼元和元年薨

李倓

按唐書恭懿太子召傳召始封興王上元元年薨召生后方專愛帝最憐之后數憾儲嫡欲以召嗣會薨計是夕帝及后夢召辭決流涕去帝慟悵故冊贈皇太子

李倓

按唐書定王倓傳倓寶應初薨

李倓

按唐書鬱林王恪傳恪子琨琨子禕禕子岍性質厚歷官有美名以王孫封趙國公楊國忠亂政悉斥不附己者岍由考功郎中拜睢陽太守以清簡為二千石最方入計而元宗入蜀即走行在除武部侍郎俄拜蜀郡太守劍南節度採訪使上皇還京還戶部尚書改越國乾元元年持節都統江淮節度宣慰觀察使明年宋州刺史劉展有異志密詔岍與揚州長史邵景山圖之戰壽春敗績岍走丹陽詔貶袁州司馬卒於官

李嶽

按唐書鬱林王恪傳恪子琨琨子禕禕子岍封吳王薨于嶽嗣王累至宗正卿檢校刑部尚書薨性介直歷官清白慈愛過人家無餘儲

李阜

按唐書曹王明傳明子傑傑子引引子戢戢子嗣曹王阜字子蘭少補左司禦兵曹參軍天寶十一載嗣王事母太妃鄭以孝聞安祿山反奉母逃民間間走蜀謁元宗由都水使者遷左領將軍上元初請補外不許乃故抵輕法貶溫州長史召還上書言治道詔授衡州刺史為觀察使諷勅貶潮州會楊炎起道州為宰相知阜直復用為衡州刺史建中元年進拜湖南觀察使李希烈反遷江西節度使以功進工部尚書改戶部尚書貞元初吳少誠擅蔡故徙阜鎮山南東道割隨汝以益軍練兵峙糧市回謁馬以益戰騎歲時大敗以教士少誠畏之阜性勤儉能知人疾苦所至常平物估家不得擅其利卒諡曰成

李國貞

按唐書淮安王神通傳神通子孝同孝同曾孫國貞父廣業為劍州長史國貞剛健有吏才乾元中由長安令遷河南尹召為京兆尹上元初拜劍南節度使召為殿中監以戶部尚書持節治於絳既至糧乏而所儲陳腐民貧不忍遽斂上書以聞而軍中譁謗突將王振乘衆怨給曰具斧鉞以待役事衆皆怒夜燒牙門振引衆劫取國貞遂害之并殺其二子及三大將

李嵩

按唐書淮安王神通傳神通子孝節孝節曾孫高少孤事母孝始為枝江丞累擢衛尉少卿居母喪柴瘠訖除家人未嘗見言笑與兄弟相友開元初為汝州刺史政嚴簡有治稱累為太子少傅武都縣伯卒暈至太僕少卿暈子進亦知名累擢給事中至德初以工部侍郎遷兵部卒

李涵

按唐書宋安壯王孝基傳璋子宋安壯王孝基無子以兄子道立嗣道立曾孫涵簡素忠謹為宗室倚累授贊善大夫郭子儀表為關內鹽池判官肅宗至平涼朔方留後杜鴻漸等使涵奉驍馳謁除左司員外郎再遷宗正少卿寶應初河朔平涵方母喪奪哀持節宣慰使還固請終制代宗見其禮毀許之服除擢給事中遷兵部侍郎朱希彩殺李懷仙復宣慰河北還為浙西觀察使入朝拜御史大夫京畿觀察使德宗嗣位除太子少傅從光祿卿以尚書右僕射致仕累封襄武縣公卒子綱貞元初為饒州別駕妾高以善歌入宮綱因御醫許泳通書坐誅

李泌

按唐書李泌傳泌字長源魏人柱國第六世孫徙居京兆七歲知為文元宗開元十六年悉召能言佛道孔子者相答難禁中有員儼者九歲升堂詞辯注射坐人皆屈帝異之曰半子孫固當然因問童子豈有類若者儼奏臣舅子李泌帝即馳召之泌既至帝方與燕國公張說觀奕因使說試其能賦方圓動靜帝大悅張九齡尤所獎愛呼小友及長博學善治易常游嵩華終南間慕神仙不死術天寶中待詔翰林

皇太子遇之厚嘗賦詩譏楊國忠疾之詔斥置斯春郡肅宗即位物色求訪已見陳天下所以成敗事帝悅欲授以官固辭願以客從入議國事出陪輿輦李輔國以泌親信疾之泌畏禍願隱衡山詔為治室廬泌嘗取松樛枝以隱背名曰養和後得如龍形者因以獻帝四方爭效之代宗立召至舍蓬萊殿書閣初泌無妻不食肉帝乃賜光福里第強詔食肉為娶朔方故留後李暉甥婚日敕北軍供帳元載惡不附已因江西觀察使魏少游請停任載稱泌才以試秘書少監充判官載誅帝召還復為常哀所忌授澧朗峽團練使徙杭州刺史德宗在奉天召赴行在授左散騎常侍貞元元年拜陝觀察使泌始鑿山開車道至三門以便饋漕以勞進檢校禮部尚書三年拜中書侍郎同中書門下平章事累封鄴縣侯太子妃蕭母郛國公主也坐蠱媚幽禁中帝責怒太子泌入帝數稱舒王賢泌揣帝有廢立意執爭數十意益堅帝寤太子乃得安俄加集賢殿學士館大學士泌固辭乃以學士知院事四年月蝕東壁泌曰東壁圖書府大臣當有憂者吾以宰相兼學士當之矣昔燕國公張說由是以亡又可免乎明年果卒泌出入中禁事四君數為權倖所疾常以智免好縱橫大言時時譏議能寤移人主然持黃老鬼神說故為人所議

李光弼

按唐書李光弼傳光弼營城柳州人父楷洛本契丹酋長武后時入朝累官左羽林大將軍封鄆郡公光弼起家左衛親府左郎將累遷左清道率兼安北都護補王忠嗣府兵馬使俄襲父封以破吐谷渾功進

雲麾將軍安祿山反郭子儀薦其能詔攝御史大夫知節度事以朔方兵救常山次真定常山團結子弟執賊將安思義降光弼不殺問其計會郭子儀出井陘與光弼合擊賊九門西詔加光弼范陽節度使肅宗即位詔以兵赴靈武更授戶部尚書同中書門下平章事光弼入太原侍御史崔衆不即付兵斬以徇威震三軍至德二載思明將兵十萬攻光弼為飛樓障以木幔築土山臨城光弼穴地積之陽約降而鼓譟突出俘斬萬計加檢校司徒封鄭國公乾元元年入朝詔與九節度圍安慶緒于相州大戰鄴西敗之思明來援諸將潰歸以光弼代子儀為朔方節度使未幾為天下兵馬副元帥會許叔冀戰不利降賊思明乘勝西鄉光弼悉軍趨河陽治壘溝築月城以守賊帥周摯與安太清合衆三萬攻北城光弼出戰諸軍爭奮禽周摯太清挺身走上元元年加太尉中書令進圍懷州思明來救光弼再逐北賊將高彥李日越降懷州未下光弼令郝廷玉由地道禽太清獻俘太廟僕固懷恩媚光弼功陳掃除計使者來督戰軍潰懷州復陷光弼請罪人朝懇讓太尉更拜開府儀同三司未幾復拜太尉兼侍中河南副元帥鎮泗州帝為賦詩以饒寶應元年進封臨淮郡王程元振疾之吐蕃寇京師代宗詔入援光弼畏禍不敢行及帝幸陝獨倚以為重數存問其母還長安因拜東都留守二年薨諡曰武穆光弼用兵謀定而後戰與郭子儀齊名而戰功推為中興第一

李嗣業

按唐書李嗣業傳嗣業字嗣業京兆高陵人也累功

署昭武校尉後應募安西軍中初用陌刀而嗣業尤善每戰必爲先鋒高仙芝討勃律署嗣業爲陌刀將禽其主平之授右威衛將軍從平石國以跳盪先鋒加特進敵號爲神通大將初仙芝特以計襲取石其子出奔因構諸胡共怨之以告大食連兵攻四鎮仙芝爲大食所敗嗣業馳守白石手挺摩擊仙芝乃得還表嗣業功進右金吾大將軍留爲疏勒鎮使安祿山反肅宗追之詔至卽引道廣平王收長安嗣業統前軍王師亂嗣業祖持長刀大呼出陣前步卒二千以陌刀長柯斧堵進所向無前封號國公與千儀等圍相州中流失臥帳中方愈忽聞金鼓聲知與賊戰大呼創潰血流數升卒諡曰忠勇子佐國襲爵歷丹王府長史

李勉

按唐書李勉傳勉字元卿鄭惠王元懿曾孫父擇言累爲州刺史勉始調開封尉從肅宗於靈武權監察御史時武臣崛興無法度大將管崇嗣背闕坐勉劾之遷司膳員外郎累爲行軍司馬進梁州刺史荒渾奴刺寇州勉不能守召爲大理少卿天子素重其正欲遂柄用而李輔國諷使下己勉不肯乃出爲汾州刺史歷河南尹徙江西觀察使入爲京兆尹尋拜嶺南節度使進工部尚書封沂國公田神玉死詔勉節度汴宋還滑臺明年復移治汴德宗立就加同中書門下平章事俄爲汴宋滑毫河陽等道都統建中四年李希烈圍襄城詔勉出兵救之爲賊所乘潰圍出東保睢陽興元元年以檢校司徒平章事召見帝素服待罪詔不許勉內愧取充位而已卒諡貞簡勉

少貧客梁宋與諸生共逆旅諸生疾且死出白金曰左右無知者幸君以此爲我葬餘則君自取之勉許諾既葬密置餘金棺下後其家謁勉共啓墓出金付之其在朝廷鍾亮廉介爲宗臣表嘗引李巡張參在幕府後二人卒至宴飲仍設虛位沃饋之善鼓琴有所自製天下寶之樂家傳響泉韻磐勉所愛者

李輔國

按唐書李輔國傳輔國本名靜忠以閹奴爲閹廐小兒王鉷薦之皇太子得侍東宮陳元禮等誅楊國忠輔國謀又勸太子分中軍起朔方收河隴兵圖興復太子至靈武愈親近遂勸卽位擢家令判元帥府行軍司馬任以肱臂更名護國又改今名凡四方章奏軍符禁寶一委之輔國能謹密取人主親信而內深賊帝還京拜殿中監封成國公常止銀臺門決事詔書下輔國署已乃施行羣臣無敢議時太上皇居興慶宮帝命陳元禮高力士王承恩魏悅玉眞公主常在太上皇左右太上皇每置酒長慶樓南俯大道因裴回觀覽或父老過之皆拜舞乃去上元中劍南奏事吏過樓下因上謁太上皇賜之酒輔國因妄言於帝曰太上皇居近市交通外人元禮力士等將不利陛下願從太上皇入禁中帝不寤會帝屬疾輔國卽詐言皇帝請太上皇按行宮中至齋武門射生官五百遮道太上皇驚疑問何者輔國以甲騎數千馳奏曰陛下以興慶宮湫隘奏迎乘輿還宮中力士厲聲曰五十年太平天子輔國欲何事叱使下馬輔國失轡馬力士曰翁不解事斬一從者力士呼曰太上皇問將士各好在否將士納刀呼萬歲皆再拜力士復曰輔國可御太上皇馬輔國輒而走與力士對執轡還西內太上皇執力士手呼曰微將軍朕且爲兵死鬼左右皆流涕自是太上皇快快不豫至棄天下輔國以功遷兵部尚書南省視事張皇后數疾其顓帝疑疾后召太子將誅輔國及程元振太子不從更召越王兌王圖之元振告輔國卽伏兵凌霄門夜捕二王囚之而殺后他般代宗立輔國愈跋扈帝尊爲尚父進司空兼中書令自輔國從太上皇天下疾之帝在東宮積不平既嗣位不欲顯戮遣使者夜刺殺之抵其首涸中殊右臂告泰陵

李栖筠

按唐書李栖筠傳栖筠字貞一爲趙人幼孤有遠度不妄交游族子華每稱有王佐才舉進士擢高第調冠氏主簿遷安西封常清節度府判官常清表爲行軍司馬肅宗駐靈武發安西兵栖筠料精卒七千赴難擢殿中侍御史三遷吏部員外郎進工部侍郎魁然有宰相望元載忌之出爲常州刺史以治行進銀青光祿大夫封贊皇縣子賜一子官元載當國久益恣橫代宗欲黜載會御史大夫敬括卒卽召栖筠與河南尹張延賞擇可爲大夫者延賞先至遂代括會李少良陸琰等劾載陰事詔御史問狀延賞稱疾不敢劾少良琰覆得罪死帝殊失望出延賞爲淮南節度使卽引拜栖筠爲大夫始栖筠見帝數奏明辯不阿附帝心善之故制麻自中以授朝廷莫知中外疎貽栖筠素方挺無所屈故事賜百官宴曲江教坊倡願雜侍栖筠以任國風憲獨不往遂以爲法帝比比欲召相憚載輒止然有進用皆密訪焉多所補助

栖筠見帝依違不斷內憂憤卒贈吏部尚書諡文獻
栖筠喜獎善而樂人攻己短爲天下士歸重不敢有
所斥稱贊皇公云子吉甫

李抱玉

按唐書李抱玉傳抱玉本安興貴曾孫世居河西善
養馬始名重璋少從軍李光弼引爲裨校天寶末元
宗以其戰河西有功爲改今名賜姓因徙籍京兆舉
族以李爲氏擢陳鄭穎毫節度使史思明已破東都
光弼壁河陽拒之使抱玉守南城抱玉縱奇兵俘殺
甚衆差功第一封樂城縣公代宗立兼澤潞節度使
統相衛儀邢十一州兵授司空從涼國公進司徒廣
德中吐蕃入寇帝次陝驪盜逼南山五谷間詔抱玉
討賊不閱旬五谷平權鳳翔龍右節度以尚書左僕
射同中書門下平章事大曆二年來朝久之加山南
西道副元帥兼節度使在鎮十餘年卒諡曰昭武

李懷仙

按唐書李懷仙傳懷仙柳城胡也世事契丹守營州
祿山以爲裨將朝義弒立以懷仙爲幽州節度使朝
義敗將趨范陽中人駱奉先問道鎬說懷仙遂降使
其將李抱玉以兵三千戍范陽朝義至抱玉閉關不
納乃殺死斬其首因奉先以獻懷仙恩即表懷仙
爲幽州盧龍軍節度使遷檢校兵部尚書懷仙反邊
羌率戰不解朝廷方勤西師故懷仙與田承嗣薛嵩
張忠志等得招還散亡治城邑甲兵自署文武將吏
私貢賦天子不能制大曆三年麾下朱希彩朱泚泚
弟酒謀殺懷仙族其家

李季卿

按唐書李適傳適子季卿亦能文舉明經博學宏辭
調鄆尉肅宗時爲中書舍人以累貶通州別駕代宗
立還爲京兆少尹復授舍人進吏部侍郎河南江淮
宣慰使振拔幽滯號振職大曆中終右散騎常侍遺
命以布車一乘葬贈禮部尚書

李忠臣

按唐書李忠臣傳忠臣本董泰也幽州刺人事節度
使薛楚玉等競勞至折衝郎將劉正臣擢泰兵馬使
攻長楊戰獨山襲榆關從正臣赴難復敗李歸仁至
德二載王元志使泰率兵自雍奴桴海擊賊賊戰
累日拔營城河間景城又與田神功下平原樂安於
是招討使李銑承制假泰德州刺史屯濮州未幾授
濮州刺史屯杏園渡許叔冀以汴下史思明泰力屈
亦降夜挈五百人冒圍歸李光弼詔加殿中監召至
京師賜今氏名平東都進御史大夫吐蕃犯京師泰
方宴鞠場使者至即整師引道代宗嘉之加本道觀
祭使大曆五年加蔡州刺史與馬燧敗賊於汴州爲
汴州刺史封西平郡王忠臣資養香嗜色所至人苦
之十四年大將李希烈因衆怒以兵驅逐忠臣逃奔
京師帝素寵之不責也復授檢校司空同中書門下
平章事奉朝請德宗立湖南觀察使辛京果私怒部
曲殺之有司劾當死忠臣曰京果應死久矣帝問故
對曰京果諸父戰死兄弟戰死渠獨得存以故知之
帝憐然釋之忠臣慙直不通書帝嘗謂卿耳大真貴
兆對曰臣聞驢耳大龍耳小帝喜其野而誠然既失
兵憐鬱不顧藉朱泚反僞署司空泚敗繫有司與其
子俱斬

李叔明

按唐書李叔明傳叔明字晉閬州新政人本鮮于氏
世爲右族兄仲通字向天寶末爲京兆尹劍南節度
使叔明擢明經乾元中除司勳員外郎東都平拜洛
陽令擢商州刺史上津轉運使遷京兆尹除太子右
庶子崔旰擾成都出爲邛州刺史徙治梓州大曆末
或言叔明本嚴氏少孤養外家冒鮮于姓請還宗詔
可叔明初不知意醜之表乞宗姓列屬籍代宗從之
建中初吐蕃襲火井叔明擊走之以功加檢校戶部
尚書遷左僕射德宗幸興元出家貲助軍封嗣國公
後朝京師拜尚書右僕射改太子太傅致仕卒始叔
明與仲通俱尹京兆及兼執御史中丞並節制劍南
又與子昇俱兼大夫蜀人推爲盛門子昇以少卿從
德宗梁州擢禁軍將軍貞元初遷太子詹事坐郤國
公主貶羅州別駕

李自良

按唐書李自良傳自良兗州泗水人天寶亂往從兗
鄆節度使能元皓以戰多累授右衛率府積閣至試殿
中監事浙東薛兼訓節度府兼訓徙太原又爲牙將
鮑防代總節度事會同紀入寇防遣大將焦伯瑜等
擊之自良請堅壁勿出防不聽戰敗由是知名馬燧
代防表爲軍候自良爲人勤且有謀燧來朝德宗罷
燧兵以自良代之自良以事燧久不敢當乃授右龍
武大將軍入謝帝終以河東近謂曰守北門無易
卿者乃以檢校工部尚書充河東節度使居治九年
卒於官

李寶臣

按唐書李寶臣傳寶臣字爲輔本范陽內屬奚也范陽將張鎮高畜爲假子故冒其姓名志爲安祿山射生從入朝畱爲射生子弟出入禁中祿山反遁歸更爲祿山假子事安慶緒爲恆州刺史九節度師圍相州也忠志懼歸命于朝肅宗即授故官史思明度河忠志復叛思明死忠志不肯事朝義使裨將王武俊擊五州以獻朝義平擢禮部尚書封趙國公名其軍成德即拜節度使賜姓及名於是遂有恆定易趙深冀六州地與薛嵩田承嗣李正己梁崇義相姻嫁爲表裏始寶臣與正己素爲承嗣所易其弟寶正承嗣壻也與承嗣子維擊毬馬駭觸維死承嗣鞭殺之由是交惡乃與正己共劫承嗣可討狀代宗欲其自相圖則勢難易制即詔寶臣與朱滔及正己攻滄州歷年未下天子遣中人馬希倩勞寶臣寶臣歸使者百練使者志抵諸道寶臣顧左右愧甚而承嗣知寶臣少長范陽心常欲得之陰使客說曰公與滔共攻滄州即有功利歸天子公于何賴誠能赦承嗣罪請奉滄州入諸趙願取范陽以報寶臣遂陰交承嗣而劫滔承嗣知覺成入堡使人謝寶臣寶臣慚而還俄進封隴西郡王又拜同中書門下平章事拜司空寶臣既貯異志引妖人作讖妖人畏事露且誅詐曰公飲甘露可與天神接密真董于液寶臣已飲卽瘞三日死惟岳悉誅殺妖人

李正己

按唐書李正己傳正己高麗人爲營州副將從侯希逸入青州薦爲折衝都尉寶應中以軍候從討史朝義時回紇恃功橫正己欲以氣折之與大會角逐約

曰後者批之既逐而先正己批其頰回紇矢流流離衆軍哄然笑齒大慚自是沮憚不敢暴希逸以爲兵馬使尋逐希逸出之有詔代爲節度使本名懷玉至是賜今名遂有淄青等十五州歷檢校司空加同中書門下平章事封饒陽郡王請附屬籍許之因徙治鄆以子納及腹心將守諸州建中初叛會發疽死

先徙封貞元十二年薨

李逵

按唐書簡王逵傳逵始王郎徙封簡元和四年薨

李迺

按唐書益王迺傳迺大曆十四年始王亡薨年

李迅

按唐書簡王迅傳迅興元元年薨

李選

按唐書荆王選傳選早薨建中二年追王

李邈

按唐書蜀王邈傳邈本名遂大曆十四年始王建中二年改今名

李造

按唐書忻王造傳造元和六年薨

李運

按唐書韶王運傳運貞元十二年薨

李運

按唐書嘉王運傳運貞元十七年薨

李選

按唐書端王選傳選貞元七年薨

李通

按唐書循王通傳通亡薨年

李通

按唐書恭王通傳通亡薨年

李達

按唐書原王達傳達太和六年薨

李逸

按唐書雅王逸傳逸貞元十五年薨

李源

按唐書李愔傳愔子源八歲家覆俘爲奴轉民間及史朝義敗故吏譙源於洛陽者贖出之歸其宗屬代宗聞授河南府參軍遷司農主簿以父愔死賊手常悲憤不仕不娶絕酒葷葷長慶初年八十矣御史中丞李德裕表薦源穆宗下詔以源守諫議大夫賜緋魚袋河南尹道官敦諭上道源頓首受詔即附表謝辭吐哀慙一無所受尋卒

李觀

按唐書李觀傳觀其先自趙郡徙洛陽故爲洛陽人少沈厚寡言以策干朔方節度使郭子儀子儀遣佐坊州刺史吳佑爲防遏使以親喪解吐蕃內寇代宗幸陝觀隱盤屋率鄉里子姓守黑水寇不敢侵嶺南節度使楊慎微奏爲偏將徐浩李勉代節度常倚以軍政數捕平劇賊遷大將試殿中監召爲右龍武將軍涇師叛觀適番上即領兵千餘扈德宗奉天從至梁州帝還擢涇原節度使以少府監檢校工部尚書卒

李少良

按唐書李少良傳少良以吏治由諸師府遷累殿中侍御史罷遊京師不見調憤元載不法疏論其惡帝畱少良客省欲究其事其友韋頌者候之漏言於陸挺載召挺問知之乃奏下少良御史臺劾其漏禁中語并頌挺論殺之

李允

按唐書李允傳允字茂初趙州人解褐上邽主簿嚴

武爲京兆尹薦補長安尉李勉觀察江西表署判官後魏少游代勉表署都團練副使攝江州刺史以母喪解勉節度未平復辟幕府會李靈耀反署允兼亳州防禦使護陳頊饒道未幾拜節度使與馬燧等破田悅洹水上以功檢校兵部尚書興元初檢校尚書右僕射以疾請老歸東都卒

李國臣

按唐書李國臣傳國臣河西人本姓安以折衝從收魚海五城遷中郎將後爲朔方將積勞瘁大將軍賜姓李從光守河陽累封臨川郡王大曆八年爲鹽州刺史吐蕃敗渾城於黃菩原將略汧隴國臣謂人曰敵乘勝必擾京師我趨秦原彼當反顧乃引兵登安樂山鳴鼓而西日行三十里吐蕃聞之自百里城回軍踰險城因擊敗之卒贈揚州大都督

李惠登

按唐書李惠登傳惠登營州柳城人爲平盧軍裨將史思明反惠登陷賊以計走山南依來瑱表試金吾衛將軍李希烈反屬以兵二千使屯隋州惠登挈州以歸即拜刺史惠登雖村素無學術而視人所謂利者行之所謂害者去之率心所安暗與古合政清靜居二十年田畝闢戶口日增人歌舞之節度使于頔狀其績詔加御史大夫升階爲上州卒贈洪州都督

李晟

按唐書李晟傳晟字長器洮州臨潭人事河西王忠嗣鳳翔節度使高昇召署列將累遷左羽林大將軍廣德初授特進試太常卿大曆初李抱玉署晟右軍將遷開府儀同三司以右金吾衛大將軍爲涇原四

鎮北庭兵馬使馬璘與吐蕃戰敗績晟率游兵拔璘以歸封合川郡王璘內忌晟歸之朝爲右神策都將建中二年魏博田悅反晟爲神策先鋒破悅加檢校左散騎常侍帝出奉天有詔名晟最踰飛狐進臨渭北壁東渭橋於是朔方李懷光方軍咸陽不欲晟當一面請與晟合有詔徙屯乃引趨陳濤斜與懷光聯壘懷光反跡露晟懼爲所并即結陣趨東渭橋詔進晟尚書左僕射同中書門下平章事晟受命拜且泣乃繕甲兵治陣障以圖收復時賊重兵精甲聚苑中晟自東渭橋移壁光泰門以薄都城縱兵塵擊大破之朱泚率殘卒萬人西走餘黨悉降晟引軍屯舍元外廷舍右金吾次遣京兆尹李齊運分慰居人秋毫無所擾露布至梁帝感泣拜晟司徒兼中書令帝至自梁晟以及服見再拜頓首賀已即晚陳乘輿再狩臣不任職敢請死帝爲掩涕命給事中齊映起之涇州倚邊數戕其帥晟請治不襲命者乃拜晟鳳翔隴右涇原節度使徙王西平郡晟至鳳翔亂將以次伏誅至涇田希鑒逆謁執之表李觀爲涇原節度使因悉家貨懷輟降附吐蕃君臣大懼謀間晟而張延賞當國故與晟有隙密言晟不可久持兵帝惑其言貞元三年拜太尉中書令罷其兵九年薨諡曰忠武有十五子其聞者愿憲想聽云

李紆

按唐書李紆傳紆字仲舒始仕校書郎大曆初爲左補闕遷累中書舍人德宗擢兵部侍郎紆性樂易喜接後進奉詔爲興元紀功述及他郊廟樂章論議甚多進吏部侍郎卒

李揆

按唐書李揆傳揆字端卿系出隴西爲衣冠族去客榮陽祖元道爲文學館學士父成裕祕書監揆擢進士第補陳留尉遷右拾遺再轉起居郎知制誥扈狩劍南拜中書舍人兼禮部侍郎揆病取士不考實徒露搜索乃大陳書廷中進諸儒約曰上選士第務得才可盡所欲言由是人人稱美未卒事拜中書侍郎同中書門下平章事封姑臧縣伯揆決事明當然銳於進目近名兄楷有時稱滯冗官不得遷呂諲政事出揆遠甚以故宰相鎮荆南揆懼復用遣吏至諲所構快過失諲密訴諸朝帝怒貶揆袁州長史不三日以楷爲司門員外郎揆累年乃徙歙州刺史初苗晉卿數薦元載揆輕載地寒載銜之及秉政奏揆祕書監江淮養疾家百口貧無祿巧食取給牧守流落凡十六年載誅始拜睦州刺史入爲國子祭酒禮部尚書德宗幸山南揆素爲盧杞所惡用爲入蕃會盟使拜尚書左僕射至蕃酋長曰聞有第一人李揆公是否揆畏雷因給之曰彼李揆安肯來邪還卒鳳州

李諒

按唐書舒王諒傳諒初名諱帝愛其幼取爲子大曆十四年始王舒與通度肅資四王同封拜開府儀同三司涇原節度大使李希烈反朝廷大震乃拜諒揚州大都督荆襄江西沔鄂節度使諸軍行營兵馬都元帥改名誼軍中以哥舒翰由元帥敗而王所封同之帝乃使徙王晉未及行涇原兵士反諒從帝出奉天朱泚攻城諒晝夜傳勞諸軍不解帶帝還京師復故封永貞元年薨

李諒

按唐書通王諒傳諒始王拜開府儀同三司貞元九年領宣武節度大使二年徙河東皆不出關

李諒

按唐書虔王諒傳諒以王拜開府儀同三司貞元二年領蔡州節度大使十年徙節朔方靈鹽明年領橫海又徙徐州不出關

李詳

按唐書肅王詳傳詳資秀異帝愛之建中二年薨甫四歲詔贈揚州大都督

李諒

按唐書文敬太子諒傳諒見愛於帝貞元初先諸王王邕歷義武昭義二軍節度大使十五年薨年十八追贈及諡

李謙

按唐書食王謙傳謙亡薨年

李諒

按唐書代王諒傳諒始王籍雲郡薨建中二年追

李諒

按唐書昭王諒傳諒貞元二十一年始王亡薨年

李諒

按唐書欽王諒傳諒順宗即位與珍王同封亡薨年

李諒

按唐書珍王諒傳諒太和六年薨

李復

按唐書淮安王神通傳神通子孝銳孝銳子齊物齊

物子復字初陽以蔭仕累為江陵司錄參軍衛伯玉才之表江陵令遷少尹歷饒蘇二州刺史名拜宗正卿歷華州刺史貞元十年鄭滑節度使李融卒代融節度加檢校尚書右僕射卒諡曰昭復更方鎮所在稱治然頗嗜財為世所譏從父若水為左金吾大將軍

李說

按唐書淮安王神通傳神通子孝節孝節四世孫說字嚴甫父遇及天寶時為御史中丞東畿採訪使說以陰補率府兵曹參軍馬燧節度太原辟署少尹遷汾州刺史李自良代燧復奏為少尹自良卒詔以通王為節度大使授說行軍司馬節度留後權檢校禮部尚書節度使累封隴西縣男說精於職築天成軍邊備積完晚被疾不能事軍殘卒贈尚書右僕射

李實

按唐書李實傳實道王元慶四世孫以蔭仕嗣曹王舉辟署江西府判官遷新州刺史舉節度山南東道復從之舉卒實知後務刻薄軍費士怨欲殺之夜縱亡歸京師累進司農卿擢拜京兆尹封嗣道王怙寵而愼不循法度專以殘忍為政順宗在諒闇不踰月實殺數十人於府貶通州長史市人爭懷瓦石邀劫之實懼夜遁去長安中相賀以赦令內移死魏州

李懷光

按唐書李懷光傳懷光渤海靺鞨人本姓茹父常徙幽州為朔方部將以戰多賜姓更名嘉慶懷光積勞至開府儀同三司為都虞候節度使郭子儀仁厚不親事以紀綱委懷光軍中畏之會德宗能于僕副元

帥以所部兵分諸將懷光為寧慶晉絳慈隰等州節度使建中初使懷光兼帥逕原明年徙朔方帝狩奉天懷光率所部奔命方雨淳奮厲軍士倍道進敗泚軍於醴泉泚解圍去進加副元帥中書令懷光為人疏而復誦言宰相謀議乖刺盧杞說帝勅懷光使人橋懷光自以千里赴難為茲臣根隔不得朝頓悲憤去數暴杞等罪帝為貶杞與趙贊白志貞然益自疑堅壁八旬不出戰與元元年詔加太尉賜鐵券懷光怒抵於地時部將韓游瓌將兵衛奉天懷光約合為變游瓌以聞帝幸梁州懷光乃奪李建徽陽忠元等軍屯好時其下稍稍攜貳遂如河中帝乃遣渾瑊會兵進討貞元元年朔方部將牛勣斬懷光以獻初懷光死其子璿盡殺其弟乃死故懷光無後五年詔以外甥燕錫姓李名曰承緒繼懷光後

李惟岳

按唐書李實臣傳實臣子惟岳少為行軍司馬恆州刺史實臣死軍中推為留後求襲父位帝不許以張孝忠代之田悅為請不聽遂與悅李正己謀拒命天子詔朱滔與孝忠合兵討惟岳惟岳懼遣使詣河東馬燧令其弟惟簡見帝斬大將謝罪奉朝請師惟岳懦不能決戰又大敗而康日知舉趙州聽命惟岳益困乃付牙將衛常寧兵五千而俾王武俊騎八百攻日知武俊才雄素為惟岳忌及師行惟岳使謝遵至武俊壁議事武俊與謀使啟城門武俊入率惟岳出綏之使子士真傳首京師惟岳母兄惟誠尚儒術實臣愛之使決軍事以惟岳正嫡固讓不肯當其妹妻李納故實臣請惟誠復故姓而仕諸郡為納營田

副使四為州刺史

李惟簡

按唐書李實臣傳實臣子惟岳惟簡初惟岳叛惟簡以家僮票士百餘奉母鄭奔京師帝拘於客省及出奉天惟簡將赴難謀於鄭鄭曰爾父立功河朔位宰相爾不能效忠吾不子汝矣督其行乃斬關出道更七戰得及行在帝見厚撫之拜太子論德討賊有功帝徙山南惟簡以三十騎從夜失道馳至藍屋西帝見之流涕執其手曰爾有母乃能從朕耶對曰臣誓以死及帝還封武安郡王憲宗時為左金吾衛大將軍出為鳳翔節度使卒子元本輕薄無行流嶺南弟鉢好學多識有儒者風

李希烈

按唐書李希烈傳希烈燕州遼西人從李忠臣在淮西署偏裨試光祿卿軍中高其才會忠臣荒縱不事衆怒逐忠臣代宗使希烈專留後事德宗立拜節度使進南平郡王李納叛以檢校司空兼淄青節度使討之希烈次許州不進約納為唇齒遣使者約河北朱滔田悅等連和建中四年詔諸節度以兵犄角攻討希烈遣董待名等分掠州縣官軍數奔希烈怙其壯進攻汴州入之僭即皇帝位國號楚於是汴滑副都統劉洽率曲環李克信軍十餘萬戰白塔不利引還洽將高彥昭擊家牛犢軍士死戰請援於洽洽選兵八百夜艾而入詰旦傳城希烈大敗而奔州刺史張建封亦屯固始度其旁希烈懼還汴州勢日蹙啖牛肉而病親將陳仙奇陰令醫毒之以死斬之函希烈并妻子首獻天子帝以仙奇忠即拜淮西節度使

俄爲吳少誠所殺

李景略

按唐書李景略傳景略幽州良鄉人父承悅檀州刺史景略以蔭補幽州府功曹參軍大曆末客河中李懷光爲朔方節度使署巡官懷光屯咸陽將襲東渭橋景略逃歸靈武節度使杜希全表置於府累轉侍御史豐州刺史豐州當回紇通道前刺史懷柔每敵使至與抗禮時梅錄將軍入朝景略欲折之因郊勞前遣人謂曰可汗新沒欲弔使者乃坐高壘待之梅錄俯僂前哭於是敵客氣沮索不敢抗以父行呼景略自此回紇使至者皆拜於庭希全忌之奏貶袁州司馬希全死還左羽林將軍會河東節度使李說病以景略爲太原尹行軍司馬梅錄復入朝說大會敵入爭坐說不敢過景略叱之梅錄識其聲驚拜曰非李豐州耶遂就坐說不平路中尉賈文場謀殺去之乃拜豐州刺史天德軍西受降城都防禦使卒於屯

李承

按唐書李承傳承趙州高邑人也擢明經遷累大理評事爲河南採訪使判官尹子奇陷汴州拘承送洛陽覬得賊謀皆密啓諸朝兩京平例貶臨川尉尋擢監察御史累遷吏部郎中淮南西道黜陟使擢拜河中尹晉絳觀察使承廉正有雅望以才顯於時未幾改山南東道節度使時李希烈據襄州承以單騎入既至希烈舍承外館迫脅日萬端不能屈遂大掠去襄漢誘然承輯緝撫安之居二年闔境完復初希烈雖去留部校守覬往來踵舍承任所厚威叔推結希烈腹心周會及會等謀殺希烈承首謀也尋檢校

工部尚書湖南觀察使建中四年卒

李洧

按唐書李洧傳洧淄青節度使正己從父兄也始署徐州刺史建中初正己卒子納叛攻宋州洧挈州自歸加兼御史大夫封潮陽郡王充招諭使納攻徐劉元佐與諸將擊退之加洧徐海沂密觀察使遷檢校戶部尚書會追發背卒

李抱真

按唐書李抱真傳抱真字太元抱玉屬以軍事授汾州別駕遷殿中少監更授澤州刺史兼澤路節度副使徙懷州爲懷澤潞觀察留後凡八年籍戶三丁擇一蠲其徭租給弓矢令閒月得曹偶習射歲終大校天下稱昭義步兵爲諸軍冠德宗嗣位檢校工部尚書領昭義節度使建中中田悅反圍邢及臨洛詔抱真與馬燧救之敗悅進檢校尚書右僕射會朱滔王武俊反抱真退保魏帝倉卒狩奉天于時李希烈陷汴李納反鄭李懷光相次反河中抱真獨以數州截然橫絕沮其蠢爲羣盜所憚與元初同中書門下平章事孫悅國公進義陽郡王天子下罪己詔並赦羣盜抱真乃遣客賈林以大義說武俊使合從擊滔武俊許諾而內猶豫抱真諷軍事於司馬盧元卿以數騎馳入見武俊持武俊涕下交頤武俊亦感泣約爲昆弟而別且日合戰大破滔進檢校司空貞元初朝京師詔還所鎮抱真好方士謂不死可致有孫季長者爲治丹餌二萬九卒

李元諒

按唐書李元諒傳元諒安息人本安氏少爲宦官駱

奉先養息冒姓駱名元光以宿衛積勞試太子詹事李懷讓奏以自副居軍十年士心憚服德宗出奉天遷鎮國軍節度使封武康郡王與李晟收京師元諒先奮慶賊敗之進屯苑東泚連戰皆北遂大潰京師平讓功于晟退壁近郊加檢校尚書左僕射貞元三年吐蕃請盟詔以軍從渾瑊會平涼元諒軍潘原去平涼七十里城壁盟所二十里元諒密徙營次之既會元諒望雲物曰不祥傳令約部伍出陣俄而敵劫盟瑊奔還元諒兵成列出而渾瑊原節度使李觀亦以精兵五千伏險與元諒相表裏敵騎乃解時以爲有古良將風帝嘉歎因賜姓及名更節度隴右西戎憚之卒諡壯威

李吉甫

按唐書李栖筠傳栖筠字吉甫字弘憲以蔭補倉曹參軍貞元初爲太常博士陸贄疑其有黨出爲明州長史贄貶忠州宰相欲害之起吉甫爲忠州刺史使甘心焉既至置怨與結權人益重其量坐是不徙者六歲改郴饒一州憲宗立以考功郎中召知制誥俄入翰林爲學士遷中書舍人元和二年杜黃裳罷擢吉甫中書侍郎同中書門下平章事吉甫連蹇外遷十餘年究知閭里疾苦常病方鎮疆恣至是爲帝從容言使屬郡刺史得自爲政則風化可成帝然之出郎吏十餘人爲刺史自王叔文時遷任猥冒吉甫始傳其員人得敘進官無留才封贊皇縣侯徙趙國公吉甫本善養羣羊士謬呂溫薦羣爲御史中丞羣即奏士謬侍御史溫知雜事吉甫恨不先白持之久不快羣等銜之劾吉甫交通衛士訊之無狀羣等皆貶

而吉甫亦乞免為淮南節度使六年復以前官召吉甫還秉政以暴疾卒諡忠懿始吉甫當國經綜政事衆職咸治及再輔政天下想望風采而稍修怨帝知其專乃進李絳遂與有隙數辯爭殿上帝多直絳然畏慎奉法不忤害顧大體居安邑里時號安邑李丞相子德修寶曆中為膳部員外郎出為舒湖楚三州刺史卒次子德裕

李藩

按唐書李藩傳藩字叔翰其先趙州人父承仕為湖南觀察使有名於時藩委制閭閻美敏於學居父喪家本饒財姻屬來弔有持去者未嘗問益務施與居數年略盡年四十餘困廣陵間不自振妻子追咎藩晏如也徐州張建封辟節度府建封卒濠州刺史杜兼疾驅至陰有覬望藩謂曰君宜速還否則以法劾君兼恨之因誣奏藩有非望德宗怒密詔杜佑殺之佑雅器藩得詔十日不發帝亟追藩既入帝望其狀貌曰是豈作亂人邪釋之拜秘書郎累擢吏部郎中坐小累左授著作郎再遷給事中制有不便就敕尾批卻之裴垕白憲宗謂藩有宰相器因拜門下侍郎同中書門下平章事河東節度使王鐸略權近求兼宰相密詔中書門下曰鐸可兼宰相藩遽取筆減宰相字署其左曰不可既而事寢李吉甫復相藩罷為太子詹事卒諡曰貞簡

李遜

按唐書李遜傳遜字友道魏申公發之後客居荊州始署山南東道掌書記累遷濠州刺史入為虞部郎中擢浙東觀察使貞元初為給事中遷戶部侍郎代

嚴綬為山東道節度使下遷太子賓客中人誣之更貶恩王傳久乃歷京兆尹國子祭酒以檢校禮部尚書為忠武節度使時吳元濟始平治條疏類選召會大衆申嚴約束明諭賞罰上下皆感畏衆遂安長慶初幽鎮繼亂遜首建誅討計進檢校吏部尚書未幾徙節奉翔過京師以疾求解為刑部尚書卒于方元字景業第進士裴諒奏署江西府判官累為池州刺史鈞檢戶籍所以差量徭賦者皆有科品程章吏不得私常曰沈約年八十手寫傳書蓋為此云終處州刺史

李錡

按唐書李錡傳錡字元初遷至宗正少卿出為杭州二州刺史方李齊運用事錡以路結其歡居三載轉浙西觀察諸道鹽鐵轉運使多積奇寶歲時奉獻德宗昵之錡因恃恩驕橫帝於是復鎮海軍以錡為節度使罷轉運錡喜得節而忘其權去暴踞日甚憲宗即位錡不自安亦三請觀遷延不即行中使趣之錡以兵注中使頸因別館憲宗以王鐸為招討處置使發兵進討兵馬使張子良李奉仙錡甥裴行立部衆起城錡跳足逃於女樓下左右以幕絕而出之護至關下與其子師回腰斬於城西南

李澄

按唐書李澄傳澄遼東襄平人隋蒲山公寬之遠胄李勉帥汴表澄滑州刺史李希烈陷汴勉走澄以城降希烈以為尚書令興元元年澄遣盧融間道奉表詣行在德宗嘉之署帛詔內蜜丸授澄刑部尚書汴

滑節度使澄未即官已又中官薛盈珍持節至封澄武威郡王乃燔賊旗節自歸澄引兵將取汴屯其北門會鄭州賊將孫液送款於澄澄遣子清馳赴雍希穎攻鄭清助守殺河陽兵數千澄遂如鄭詔授清檢校太子賓客易名克寧貞元初澄澄檢校尚書左僕射義成軍節度使二年卒

李元素

按唐書李元素傳元素字太朴邢國公密裔孫仕為御史東都留守杜亞惡大將令孤運會盜劫輪絹於洛運適與其下畋近郊亞疑而訊之以愛將武金掠服之死者甚衆傳致周內若不可翻者德宗信不疑宰相難之詔元素馳按元素察其冤悉縱囚還亞劾元素失有罪比元素還帝已怒奏獄未畢帝曰出元素曰臣以御史按獄知冤不得盡辭是無容復見陛下帝意解即道運冤狀帝感悟曰非卿孰能辨之後歲餘齊抗得真盜由是天下重之遷給事中會鄭滑節度使盧羣卒拜元素檢校工部尚書節度其軍治有異績元和初召為御史大夫失望拜浙西節度使還為國子祭酒進戶部尚書判度支卒

李齊運

按唐書李齊運傳齊運將王憚孫始補軍王府東閣祭酒累擢監察御史由工部郎中為長安令稍擢京兆少尹出為河中尹晉絳慈隰觀察使李懷光反齊運棄城走詔拜京兆尹時李晟壁渭橋齊運發民築城保督芻粟以餉晟改宗正卿開府官苑使進至禮部尚書宰相內殿對已齊運當次進帝與參決大事既無學暗於大體第以甘言阿諛而已嘗薦李錡為

浙西受賂數十萬遽晚以妾爲妻具冕服行禮士人嗤之

李納

按唐書李正己傳正己子納少時爲奉禮郎代宗召見擢殿中丞正己署爲淄青二州刺史正己死祕喪不發以兵會田悅於濮陽德宗詔諸軍合討其從父洧以徐州歸納集兵攻洧帝命宣武劉元佐督諸軍進援大破其兵納還鄆與悅李希烈朱滔王武俊連和自稱齊王與元初帝下詔罪已納歸命授檢校工部尚書封隴西郡王希烈圍練州納會諸軍破之城下加檢校司空司徒死子師古師道

李異

按唐書李異傳異字令叔趙州贊皇人以明經補華州參軍事舉拔萃授鄆尉進累左司郎中拜給事中出爲湖南觀察使貞元五年徙江西異銳於爲治持下以法察無遺私吏不敢少給順宗立擢兵部侍郎再遷吏部尚書元和四年疾卒

李元平

按唐書關播傳播爲中書侍郎時李元平陶公達張慇劉承誡率輕薄子遊播門下能侈言誕計以功名自喜播謂皆將相材數請帝用之元平本宗室疏裔好論兵李希烈叛帝以汝州據賊衝刺史疲軟不勝任播盛稱元平帝召見拜左補闕不數日檢校吏部郎中兼汝州別駕知州事元平始至募工築郭浚隄希烈陰使亡命應募元平不寤賊遣將李克誠以精騎薄城募者內應縛元平馳見希烈希烈僞署爲宰相希烈死或言元平雖屈賊然有謀不克發乃貸死

流珍州會赦還往鄆中觀察使皇甫政殺其姪以發帝怒遂流死賀州

李實

按唐書牛元翼傳初瀛之博野樂壽介范陽成德間每兵交先薄二城故德宗以傳良弼守樂壽李實守博野王廷湊之叛堅壁固守有詔以樂壽爲左神策行營拜良弼爲都知兵馬使實所領士諫右神策號忻州營亦以實爲都知兵馬使實層初擢累保義軍節度使王智興討李同捷未克而烏重引卒謂實可共立功請諸朝乃授橫海節度使師所過暴鈔至屯按軍不進遂身入朝盛陳賊勢請濟師而棟州平實內愧不自安願留京師遂罷保義軍忻州營更授夏綏有節度使卒

李繁

按唐書李泌傳泌子繁少才警無行泌始起陽城官諸朝故城重德泌而親厚於繁及疏裝延齡既具兼夜使繁書已封盡能誦德乃錄以示延齡明日延齡白帝撫其條以自疏解城入奏帝怒遂不省後爲太常博士河南府士曹參軍遷隋州刺史改大理少卿弘文館學士諫官御史交章彈治乃出爲亳州刺史州有劇賊繁捕斬之議者責繁擅興詔御史舒元與按之元與繁素隙盡翻其獄以爲濫殺不辜有詔賜死京兆人皆寃之

李觀

按唐書李華傳華從子觀字元賓貞元中舉進士宏辭連中授太子校書郎卒年二十九觀屬文不襲沿前人時謂與韓愈相上下

李賀

按唐書李賀傳賀字長吉系出鄭王後七歲能辭章韓愈皇甫湜始聞未信過其家使賀賦詩援筆立就自目曰高軒過二人大驚自是有名每旦日出騎弱馬從小奚奴背古錦囊遇所得書投囊中及暮歸足成之以父名晉肅不肯舉進士爲協律郎卒年二十七

李益

按唐書李益傳益故宰相揆族子於詩尤長貞元末名與宗人賀相埒每一篇成樂工爭以賂求取之被聲歌供奉天子至征人早行等篇天下施之圖繪少寢而思克防閑妻妾苛嚴世謂如爲李益疾劉濟辟置幕府進爲營田副使憲宗召爲祕書少監集賢殿學士累遷左散騎常侍太和初以禮部尚書致仕卒時又有太子庶子李益同在朝故世言文章李益以辨云

李興

按唐書李友傳壽州安豐李興有至行柳宗元爲作孝門銘曰壽州刺史臣承恩言九月丁亥安豐令上所部編戶叱興父被惡疾歲月就亟興自刃股肉假託饋獻父老病已不能啖宿而死興號呼撫臆口鼻垂血捧土就墳沾漬涕洟墳左作小廬業以苦茨伏匿其中扶服頓踊晝夜哭訴孝誠幽達神爲見異廬上產紫芝白芝廬中醴泉湧宜加旌褒請表其里閭刻石宣示制曰可

李鄴

按唐書李鄴傳鄴字建侯北海太守邕之從孫第進